



*Jumat, 23 Juli 2021*

**Ogen: Kuan-kuanen 24:14**



**Terang Me Wari Sipepagi**



**T**ep-tep kalak lit sura-surana kerna wari si pepagi si mehuli. Tapi lit kange kalak si la seh sura-surana erkiteken situasi, lingkungan, kelepakenna jine ras mbue alasen sidebanna. Adi bangsa Israel megati gagal ndatken masa depan si mehuli erkiteken la patuh man Tuhan.

Kitab Kuan-kuanen enda mpetetap ukurta, maka adi nggit kita erkemalangen man Tuhan, maka e desken tengguli wani si entebu man pangan. Hikmat ntah pe kepentaren i bas kitab Kuan-kuanen enda sialoken adi nggit kita erlajar ras ngikutken Kata Dibata i bas kegeluhan. Perbeben, situasi si mesera, kesalahen ras dosa, percuban ras kiniseran jadi nandangi kegeluhen kalak si erkiniteken, tapi adi megermet kita si gejabken maka Dibata la nadingken kita, tek kita nandangi rancangenna, situhuna enggo sialoken kal pasu-pasu secara rohani ndai. Matius 6:33 : *daramilah lebe kinirajan Dibata, maka kerina itambahken man bandu.* Hikmat si mbelinna em kesadarenta kerna kehadiran Tuhan bas geluhta. Hikmat e teruji ras reh telapna adi si peraktekken i bas kegeluhen. Arusna Hikmat e reh belinna wari lepas wari bas diri sekalak jelma. Kiniteken e labo respon pasif, tapi sada tindakan aktifta ngaloken pasu-pasu Tuhan ras makekenca bas kegeluhen. Anak Tuhan la banci tek saja tapi la itambahina pemeteh ras pengalamen hidupna. Kegeluhen eme sekolah Kristus ija ia ngajari kita rusur nggeluh tama pujin bas gelarna.

Kerina jelma arus ndatken didiken si mahanca banci ia jadi pasu-pasu bas geluh enda. Tuhan nuruh kita cerdik bagi nipe, tulus bagi nderapati. Rencanata banci saja gagal, tapi Tuhan la pernah gagal njadiken sura-suraNa i bas geluhta. Sura-sura Tuhan eme kegeluhen si terang bas wari sipepagi man banta.